

# Seri Paduka, PM ucap Selamat Tahun Baharu Cina

BH - 22/1/2023 m/c: 3

**Kuala Lumpur:** Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah dan Raja Permaisuri Agong, Tunku Azizah Aminah Maimunah Iskandariah mengucapkan selamat menyambut Tahun Baharu Cina kepada rakyat Malaysia.

Baginda berdua menzahirkan harapan semoga hari istimewa itu membawa keceriaan, kemakmuran, kesejahteraan dan keafiatan yang berpanjangan kepada mereka yang meraikannya.

Baginda berdua turut berharap sambutan oleh kaum Cina sebegini akan terus mengukuh-

kan dan mengeratkan lagi perpaduan, semangat muhibah dan toleransi sesama rakyat Malaysia yang berbilang kaum serta agama.

Sementara itu, Perdana Menteri, Datuk Seri Anwar Ibrahim turut mengucapkan Selamat Tahun Baharu Cina kepada masyarakat Cina di negara ini.

Beliau menyifatkan perayaan besar di negara ini memberi peluang kepada rakyat untuk menyemai semangat perpaduan dan saling mengenali.

"Elemen kerukunan dan toleransi di antara kaum pengikat yang nyata dalam membawa negara ini ke depan.

"Mewakili seluruh rakyat Malaysia berbilang bangsa, saya ucapkan Selamat Tahun Baharu Cina 2023 kepada seluruh masyarakat Cina di negara ini," katanya.

## Mesej kepada rakyat

Anwar turut memuat naik sebuah video memaparkan kisah seekor arnab putih bernama Miki yang gagah meneruskan perjalanan untuk terus bernafas, walaupun penat yang boleh mengakibatkan ia untuk menyerah tetapi menunggu untuk sinar harapan.

Video 1.14 minit itu turut memberi mesej kepada semua rakyat Malaysia yang menempuh pelbagai cabaran dan dugaan selama ini yang mencari sinar harapan, agar tidak boleh mengalah sebaliknya bangkit dengan semangat perpaduan.

Perdana Menteri dirakam memegang arnab itu sambil berkata: "Sebagai satu negara merdeka, sudah matang dan dewasa, wajar kita perkasakan semua rakyat, semua kaum di negara Malaysia tercinta".

Timbalan Perdana Menteri, Datuk Seri Dr Ahmad Zahid Hamidi juga mengucapkan Se-



Sebagai satu negara merdeka, sudah matang dan dewasa, wajar kita perkasakan semua rakyat, semua kaum di negara Malaysia tercinta

**Anwar Ibrahim,**  
Perdana Menteri



lamat Tahun Baharu Cina kepada seluruh rakyat negara ini, khususnya kepada mereka yang meraikannya.

Dalam ucapan sempena perayaan itu, Ahmad Zahid yang ju-

ga Menteri Kemajuan Desa dan Wilayah mengingatkan rakyat untuk mengukuhkan persefahaman dan kesepaduan demi Malaysia yang tercinta.

BERNAMA